

ut vix quicquam aliud, quod Presbyteri non haberent, Episcopus Alexandrinus primo Ecclesiae saeculo obtinere videretur, quam iurisdictionem in omnes, & ordinandi facultatem.

Hunc tamen verè Patriarcham ab initio fuisse, & Patriarchæ nomine donatum, clarè insinuant verba Eusebij modo allata, quibus Marcum primum in Ægyptum traiecisse, & Evangelium quod ipse conscripserat illic prædicasse, primumque Ecclesiarum Alexandriae institutarum authorem extitisse scribit. Quis enim proinde hunc *πατρίων* seu *πατρίων ἀρχιεπίσκοπος*, hoc est Patrum seu Episcoporum, Christi que familiarum, seu Ecclesiarum facile Principem non agnoscit? at de hoc satis sit

Quænam esset Alexandrini Antistitis Patriarchalis Diœcesis, potius inquirendū videtur. Variè à varijs descripta est, eique subiectæ provinciæ nunc plures, nunc pauciores à Patribus & Concilijs assignantur. Concilium Nicænum huic Ægyptum, Lybiam, & Pentapolim tantum subijcit. Thebaidem addere videtur Theodoretus, omissa Pentapoli, Alexandriae dignitatem sic describens. [Alexandria ciuitas est amplissima & maxima hominum multitudo frequentata, quæ non Ægypti solum, verum etiam Thebaidis & Lybiæ quæ Ægypto adiacent Principatum obtinens.] Sanctus Athanasius Synodum ex vniuersa sua Diœcesi congregatam describens quatuor eius provincias his verbis recenset: [Sancta Synodus Alexandriae congregata ex Ægypto, Thebaide, Lybia & Pentapoli.] Sanctus tandem Epiphanius longè plures enumerat, dum ait: [Hic mos inualuit, ut Alexandriae Episcopus totius Ægypti ac Thebaidis Mareotæque, ac Libyæ, Ammoniacæque & Mareotidis ac Pentapolis Ecclesiasticam habeat administrationem.] Ad idem tamen recidunt verba illa diuersa, eorumque varietas non ex distincto eorum sensu, sed ex diuersis acceptionibus nominis Ægypti solum petenda est. Ægyptus aliquando sumitur apud antiquos pro Delta Ægyptiaco, mari mediterraneo & fluuijs Bubastico & Agathodæmone concluso, sicque Ægyptum primam & secundam, & pene vtramque Augustamniam continet. Aliquando verò pro maximo Delta, cuius anguli tres sunt Alexandria, Pelusium & Siene, sicque præter suprascriptas Prouincias, vtramque Thebaidem prius Ægyptum superiorem dictam, & Arcadiam complectitur. Tertiò pro tota Diœcesi Præfecti Augustalis, quæ licet Ægypti nomine designaretur ut à nobiliori sui parte, tamen vtramque Libyam, Mareotidem, Ammoniacam, cæterasque provincias inclusit, quas ad senarium numerum reducens, ut diximus, Notitia ciuilis Imperij, Præfecto Augustali subijcit; quasque Patriarchalem Episcopi Alexandrini Diœcesim constitui asseueramus, si tamen Indiam interiorem & Aethiopiam addamus, quas etiam huic paruisse non parum probabile est.

De Aethiopia in Canonibus Arabicis Concilij Nicæni legere est, dum his statuitur, non posse Aethiopes creare nec eligere Patriarcham, quin potius eorum Prælatum sub potestate eius esse qui tenet sedem Alexandriae; ac licet apud eos loco esset Patriarchæ, & appellaretur Catholicus, non tamen ius habere constituendi Archiepiscopos, ut habebat Patriarcha; cum ei nec nomen nec iura Patriarchæ concessa fuissent. Sed ut verum non diffiteamur cum hi Canones, incertissimæ fide, sint, peritorum indicio, non tam ex iis Aethiopiam Alexandrino Episcopo subiectam fuisse suspicamur, quam quod eam

V.
QVÆ FVERIT
DIOECESIS
PATRIARCHÆ
ALEXANDRINI.
a Conc. Nicæn.
Can. 6.

Τὰ ἀρχαῖα ἔστι
κατατίτω τὰ ἐν αἰ-
γύπτῳ καὶ λιβύῃ, καὶ
πενταπόλει· ὥστε τὸν
ἀλεξανδρινὸν ἐπί-
σκοπον πάντων τού-
των ἔχειν τὴν ἐξου-
σίαν.

b Theodoret hist.
Eccles. lib. 1 cap. 2.

Ἀλεξανδρινὸν πόλιν
ἔσθ' ἡμεῖς καὶ πε-
νταπόλιν, καὶ αἰ-
γύπτιον μόνον, ἀλ-
λά καὶ θεβαίων καὶ λι-
βύων καὶ περὶ αἰγύ-
πτον καὶ ἡμερῶν
πενταπόλεως.

c Athanas. Apol.

Ἡ ὁρὰ συνόδες ἡ
ἐν Ἀλεξανδρίᾳ συ-
ναχθεῖσα ἀπὸ τῆς
πῶς αἰγύπτου καὶ τῆς
θεβαίδος, καὶ λι-
βύας, καὶ πενταπό-
λεως.

d Epiph. hær. c. 8.

Τούτο γὰρ ἔστι τὸ
τὸν ἐν τῇ ἀλεξαν-
δρίᾳ ἀρχιεπίσκοπον
πάντας τὰς αἰγύπτου καὶ
θεβαίδος, μαρεω-
τινὰς, καὶ λιβύας,
ἀμμωνιακὰς, μα-
ρεωτινὰς καὶ
πενταπόλεως ἔχειν
τὴν ἐκκλησιαστικὴν
ἐξουσίαν.

VI.
ÆTHIOPIA
PATRIARCHÆ
ALEXANDRINO
SUBDITA FUIT:
c Can. 36. Nicæn.
Concil. Arab.